

Segun Fundacion Famia Planea

Decision final ta den man di e hobennan

ORANJESTAD

Fundacion Famia Planea ta traha riba e area preventivo hunto cu tur e otro instancianan. E ta facil pa bisa pa mira ki efecto esaki tin. Nan a trata di mira kico ta e efectonan haciendo esaki, via universidad di Aruba y CBS pa mira esaki. Un di efectonan cu e tabata tin ta cu a baha e cantidad di embaraso hubenil den e ultimo dos

añanan. Mayornan semper kier tin influencia riba decisionnan di hobennan, pa e motibo aki Fundacion Famia Planea kier acerca mayornan y pa duna informacion di e campaña 'I love my body.'

CONSECUENCIA DI PERIODO AKI

E primordialmente ta na e momentonan aki ta e mayor – y hobennan ta bon informa di e consecuencianan cu

e periodo ta bin aworaki, segun directora di Fundacion Famia Planea Sra Evelyn G. Ras-Yarzagaray. Esaki tin di haci cu e fiesta di parti e norma y balor na momento cu e hoben of mucha sali for di cas, kico e tin bisti, con e ta comporta su mes, con e ta baila, cu ken e ta anda, y kico e ta consumi durante e fiesta. Tur e cosnan aki tin consecuencianan cun'e. Tambe no mester laga afo e parti di sexualidad, segun e directora di e fundacion.

MAYORNAN TA KERE PARTIMENTO TA STIMULA PARTI SEX

Tin hopi mayor ainda ta pensa cu e partimento of distribui condom na e 24/7 stacionnan di Valero of unda cu por haya esaki via Women's Club of Rode Kruis, ta stimula e parti di sex, segun Sra. Ras-Yarzagaray. E parti di investigacionnan a demostra cu 40% di hobennan entre 11 y 20 aña ta sexualmente activo, specialmente durante e periodo di Carnaval.

ENFOCA PA DRENTA MAYOR

Loke Fundacion Famia Planea ta enfoca riba dje ta



pa por purba drenta via mayoria scol, drenta cerca e mayornan pa asina brinda informacionnan. Esaki ta wordo haci sea via medionan social, prensa local, tur forma cu por tin. Tambe nan ta haci esaki via instancianan cu ta participa durante cada actividad pa duna informacion.

HOBEN TA DICIDI NA FINAL

Eigenlijk por bisa cu e decision final ta keda den man di e hoben, segun Sra. Ras-Yarzagaray. E fundacion ta haci nan maximo esfuerso pa brinda e informacion corecto na e hoben, unda cu

nan ta duna e hoben e herment corecto pa ora yega e momento asina leu.

Pero en caso cu esaki a yega asina leu, cu e informacionnan cu nan ta ricibi di e campaña 'I love my body' pa por cambia e pensamiento di e hoben. Na final e hoben mes ta esun cu tin cu tuma su decision, y Fundacion Famia Planea ta mira cu mayor tin hopi influencia riba decisionnan di e hobennan.

Pa e motibo aki Fundacion Famia Planea a bin cu e idea pa acerca mayornan e aña aki pa duna nan mas informacion. □

